

摛藻堂四庫全書薈要

集部

欽定四庫全書叢要

集部

御定全唐詩卷六百六十四至

詳校官原任事臣李斯咏

欽定四庫全書薈要卷一萬八千六十九集部

御定全唐詩卷六百六十四

羅隱

虛白堂前牡丹相傳云太傅手植在錢塘

欲詢往事奈無言六十年來託此

一作此託

虎扇格高長對孔融樽曾憂世亂陰難合且喜春殘色

上一作尚存莫背闌干便相笑與君俱受主人恩

縣齋秋晚酬友人朱瓚見寄

中和節後捧瓊瑰坐讀行吟數月來只歎雕龍方擅價  
不知頽尾竟空回千枝白露陶潛柳百尺黃金郭隗臺  
惆悵報君無玉案水天東望一寒回

第五將軍于餘杭天柱宮一作觀入道因題寄

交梨火棗味何如聞說苕川已下車一作卜車瓦檻尚攜京  
口酒草堂應寫頽陽書亦知得意須乘鶴未必忘機便  
釣魚却一作即恐武皇還望祀一作祝軟輪徵入問玄虛

寄無相禪師

老住西峰第幾層為師回首憶南能有緣有相應非佛無我無人始是僧爛椹作袍名復利鎔金為講愛兼憎何如一衲塵埃外日日香煙夜夜燈

秋日有寄

丹青未合便回頭見盡人間事始休只有百神朝寶鏡永無纖浪犯虛舟曾臨鐵甕雖分職近得金陵亦偶遊東去西來人不會上卿踪跡本玄洲

送前南昌崔令替任映攝新城縣

一作崔令  
映替任

五年苛政甚蟲螟深喜夫君已

一作  
幾

戴星大族不惟專

禮樂上才終是惜生靈亦知單父琴猶在莫厭東歸酒  
未醒二月春風何處好亞夫營畔柳青青

下第作

年年模樣一般般何似東歸把釣竿巖谷謾勞思雨露  
彩雲終是逐鶴鸞塵迷魏闕身應老水到吳門葉欲殘  
至竟窮途一作才多也須達不能長與世人看

丁亥歲作

中元甲子

病想醫門渴望梅十年心地僅成灰早知世事長如此  
自是孤寒不合來谷畔氣濃高蔽日蟄邊聲緩乍聞雷  
滿城桃李君看取一一還從舊處開

北邙山

一種山前路入秦嵩山堪愛此傷神魏明未死虛留意  
莊叟雖生酌一作的滿巾何必更尋無主骨也知曾有弄  
權人羨他緹嶺吹簫客閒訪雲頭看俗塵

重過三衢哭孫員外

爛柯山下忍重到雙檜樓前日欲殘華屋未移春照灼  
故侯何在淚汎瀾不惟濟物工夫大長憶容才尺度寬  
一慟旁人莫相笑知音哀盡路行難

送蘄州襄員外

六枝仙桂最先春瀟灑高辭九陌塵兩晉家聲須有主  
六朝文雅別無人榮驅豹尾拋同輩貴上螭頭見近臣  
蘄水蒼生莫相羨早看歸去掌絲綸

重九日廣陵道中

秋山抱病何處登前時韋曲今廣陵廣陵大醉不解悶  
韋曲舊遊堪拊膺佳節縱饒隨分過流年無奈得人憎  
却驅羸馬向前去牢落路歧非所能

東歸別所知

芙蓉宮闕二妃壇兩處因依五歲寒鄒律有風吹不變  
鄰枝無分住應難愁心似火還燒鬢別淚非珠謾落盤  
却羨淮南好雞犬也能終始逐劉安

旅舍書懷寄所知二首

思量前事不堪尋牢落餘情滿素琴四海豈無騰躍路  
一家長有別離心道從汨沒甘雌伏跡恐因循更陸沈  
寂寞誰應弔空館異鄉時節獨霑襟

簾卷兩

一作雨

牀琴瑟秋暫憑前計奈相尤

一作留

塵飄馬

尾甘蓬轉酒憶江邊有夢留

一作遊

隋帝舊祠雖寂寞

楚妃清唱亦風流可憐別恨無人見獨背殘陽下寺樓

此首江東集  
作漢東秋思

西京道中

半夜秋聲觸斷蓬百年身事算成空  
禰生詞賦拋江夏

漢祖精神一作靈憶沛中未必他時能富貴只應從此見

窮通邊禽龍水休相笑自有滄洲一棹風

粉

每持纖白助君時霜自無憫雪自疑郎若姓何應解傳  
女能窺宋不勞施妝成麗色惟花妬落盡啼痕只鏡知  
最好玉京仙署裏更和秋月照瓊枝

贈漁翁

葉艇悠揚鶴髮垂生涯空托一綸絲是非不向眼前起  
寒暑任從波上移風漾長歌籠一作秋月裏夢和春雨晝  
眠時逍遙此意誰人會應有青山綠水知

下第寄張坤

謾費精神掉五侯破琴孤劍是身讐九衡雙闕擬何去  
玉壘銅梁空舊遊蝴蝶有情牽晚夢杜鵑無賴伴春愁  
思量不及張公子經歲池江倚酒樓

東歸別常修

六載辛勤九陌中却尋歸路五湖東名慙桂苑一枝綠  
鱠憶松江兩筋紅浮世到頭須適性男兒何必盡成功  
惟慙鮑叔深知我他日蒲帆百尺風

言

珪玷由來尚可磨似簧終日復如何成名成事皆因慎  
亡國亡家只為多須信禍胎生利口莫將譏思逞懸河  
猩猩鸚鵡無端解長向人間被網羅

簡

一作荀

令生日

祥煙靄靄拂樓臺慶積

一作續

元節後來已向青陽標

四序便從嵩嶽應三台龜銜玉柄增年美鶴舞瓊筵獻

壽杯自顧下儒何以祝柱天功業濟時才

晚眺

凭古城邊眺晚晴遠村高樹轉分明天如鏡面都來靜  
地似人心總不平雲向嶺頭閒不徹水流溪裏太忙生  
誰人得及莊居老免被榮枯寵辱驚

野花

一作羅  
鄧詩

萬點紅芳血色殷為無名字對空山多因戲蝶尋香住  
少有行人輶櫂攀若在侯門看不足為生江岸見如閒  
結根必竟輸桃李長向春城紫陌間

病驄馬

櫨上病驄蹄裏裹江邊廢宅路迢迢自經梅雨長垂耳  
乍食菰漿欲折腰金絡銜頭光未滅玉花毛色瘦來焦  
曾聽禁漏驚街鼓價踏康莊怕小橋夜半雄聲心尚壯  
日中高卧尾還搖龍媒落地天池遠何事牽牛在碧霄

狄一作秋浦

晴川倚落暉極目思依依野色寒來淺人家亂後稀久  
貧遊身不達多病意長違還有漁舟在時時夢裏歸

南康道中

弱冠負文翰此中聽鹿鳴使君延上榻時輩仰前程丹  
桂竟多故白雲空有情惟餘路旁淚沾灑向塵纓

北固亭東望寄默師

高亭暮色中往事更誰同水漫於天濶山應到此窮病

憐京口酒老怯海門風惟有言堪解何由見遠公

華清宮

樓殿層層佳氣多開元時節好笙歌也知道德勝堯舜  
爭奈楊妃解笑何

韓信廟

翦項移秦勢自一作已  
雄布衣還是負深功寡妻稚女一作

懦夫一作休  
女子俱堪恨却一作休

把餘一作閑

杯奠蒯通一作

韋公子

擊柱狂歌慘別顏  
百年人事夢魂間  
李將軍自嘉一作家

聲在不得封侯亦自一作是

間

望思臺

芳草臺邊魂不歸  
野煙喬木弄殘暉  
可憐高祖清平業  
留與閒人作是非

帝幸蜀

乾符歲

一

作狄歸昌詩

馬嵬山色翠

一作煙柳正

依依又見鑾輿幸  
蜀歸泉下阿蠻

應有語這迴休更怨  
楊妃

王夷甫

把得閒書坐水濱  
讀來前事亦酸辛  
莫言麈尾清譚柄  
壞却淳風是此人

鶯鶯

斜陽澹澹柳陰陰  
風裏寒絲映水深  
不要向人誇素白  
也知常有羨魚心

書淮陰侯傳

寒燈挑盡見遺塵  
試瀝椒漿合有神  
莫恨高皇不終始

滅秦謀項是何人

青山廟

子胥廟

市簫聲咽跡崎嶇雪恥酬恩此丈夫霸主兩忘時亦異  
不知魂魄更無歸

小松

一作杜荀鶴詩非

已有清陰逼坐隅愛聲仙客肯過無陵遷谷變須高節  
莫向人間作大夫

竹

籬外清陰接藥闌曉

一作晚

風交戛碧琅玕子猷死

一作沒

後知音少粉節霜筠謾歲寒

謾天嶺

西去休言蜀道難此中危峻已多端到頭未會蒼蒼色

爭得禁他兩度謾

嶺有大謾天  
小謾天故云

御定全唐詩卷六百六十四

欽定四庫全書薈要卷一萬八千七十集部

御定全唐詩卷六百六十五

羅隱

秋蟲賦 幷序

秋蟲蜘蛛也致身網羅間實腹亦網羅間愚感其  
理有得喪因以言賦之

物之小兮迎網而斃物之大兮兼網而逝網也者繩其  
小而不繩其大吾不知爾身之危兮腹之餒兮吁

蟋蟀詩

頑颶蕪芳吹愁夕長屑戍有動歌離弔夢如訴如言繙  
引虛寬周隙伺榻繁咽夤緣范睡蟬老冠我綾好不冠  
不綾爾奚以悲蚊蚋有毒食人肌肉蒼蠅多端黑白偷  
安爾也出處物兮莫累壞舍啼衰虛堂泣曙勿徇誼譁  
鼠豈無牙勿學萋斐垣亦有耳危條槁飛抽恨咿咿別  
帳缸冷柔魂不定美人在何夜影流波與子佇立襄徊  
思多

西川與蔡十九同別子超

相歡雖則不多時  
相別那能不斂眉  
蜀客賦高君解愛  
楚宮腰細我還知  
百年恩愛無終始  
萬里因緣有夢思  
腸斷門前舊行處  
不堪全屬五陵兒

龍泉

一作丘

東下却寄孫員外

穀江東下幾多程  
每泊孤舟即有情  
山色已隨遊子遠  
水紋猶認主人清  
恩如海岳何時報  
恨似煙花觸處生  
百尺風帆兩行淚  
不堪回首望崢嶸

# 牡丹

艷多煙重欲開難紅藥當心一抹檀公子醉歸燈下見  
美人朝插鏡中看當庭始覺春風貴帶雨方知國色寒  
日晚更將何所似太真無力凭闌干

# 巫山高

下壓重泉上千仞香雲結夢西風緊縱有精靈得往來  
狹輶颶軒亦顛隕嵐光雙雙雷隱隱愁為衣裳恨為鬢  
暮灑朝行何所之江邊日月情無盡珠零冷露丹墮楓

細腰長臉愁滿宮人生對面猶異同况在千巖萬壑中

### 江南行

江煙濕雨蛟綃軟漠漠小一作遠山眉黛淺水國多愁又

有情夜槽壓酒銀船滿細絲搖柳凝曉空吳王臺榭春  
夢中鴛鴦瀨鶯喚不起平鋪綠水眠東風西陵路邊月

悄悄油碧輕車蘇小小

一作嫁蘇小

### 空城雀

雀入官倉中所食能損幾所恨往復頻官倉乃害爾魚

網不在天鳥網不張水飲啄要自然何必空城裏

芳樹

細萼

一作  
蕤

慢逐風暖香閒破鼻青帝固有心時時漏天

一作  
動人

意去年高枝猶墮地今年低枝已顛頓吾所以見

造化之權變通之理春夏作頭秋冬為尾循環反覆無

一作  
窮

終已人生長短同一軌若使威可以制力可以止

則秦皇不肯斂手下沙丘孟賈不合低頭入萬里伊人

強猛猶如此顧我勞生何足恃但願我開素袍傾綠蟻

陶陶兀兀大醉于清宵

一作青冥

白晝間任他上是天下是

地

聽琴

寒雨蕭蕭落井梧夜深何處怨啼鳥不知一盞臨邛酒  
救得相如渴病無

大梁見喬詡

湘水春浮岸淮燈夜滿橋六年悲梗斷兩地各萍飄刀  
筆依三事篇章奏珥貂跡卑甘汨沒名散稱逍遙好寺

松為徑空江桂作橈野香花伴落缸暖酒和燒骨沿尋  
遊鳳秦冠竟歎鴟骨凡雞犬薄魂斷蕙蘭招悵望添燕  
琯蹉跎厭魯瓢敗桐方委爨冤匣正冲霄戰代安釐國  
封崇孝景朝千年非有限一醉解無聊漏永燈花暗爐  
紅雪片銷久遊家共遠相對鬢俱凋運命從難合光陰  
奈不饒到頭蓑笠契兩信釣魚潮

寄洪正師

寄塞渾成跡經年滯杜南價輕猶有二足朋已過三雞

肋曹公忽猪肝仲叔慙會應謀避地依約近禪庵

聖真觀劉真師院十韻

簾下嚴君卜窓間少室峰攝生門已盡混跡世猶逢山

數師王烈簪纓友戴顚魚跳介象

見三國吳書十八卷  
注象字元則會稽人

有仙行鰐飯吐葛玄蜂紫飽垂新椹黃輕墮小松塵埃金

谷路樓閣上陽鐘野耗

一作鶴

鴛肩寄仙書鳥爪封支牀

廻縱老取箭鶴何慵別久曾牽念閒來肯歷重尚餘青

竹在試為剪

一作未

誰成龍

寄聶尊師

欲芟荆棘種交梨指畫城中日恐遲安得紫青磨鏡石  
與君閒處看榮衰

金山僧院

根盤蛟蜃路藤蘿四面無塵輶棹過得似吾師始惆悵  
眼前終日有風波

酬高崇節

舊遊雖一夢別緒忽千般敗草湯陵晚衰槐楚寺寒數

竒常自愧時薄欲何干猶賴君相勉殷勤貢禹冠

送汝州李中丞十二韻

羣盜方為梗分符奏未寧黃巾攻郡邑白挺掠生靈塵  
土周畿暗瘡痍汝水腥一兇雖剪滅數縣尚凋零理必  
資寬猛謀須藉典刑與能繩物論慎選忽天庭官品尊  
臺秩山河擁福星虎知應去境牛在肯全形舊政窮人  
瘼新銜展武經關防秋草白城壁晚峰青破膽期來復  
迷魂想待醒魯山行縣後聊為奠惟馨

淮南送節度盧端公將命之汴州端公常為汴  
州相公從事

吹臺高倚圃田東此去輶車事不同珠履舊參蕭相國  
綵衣今佐晉司空醉離淮甸寒星下吟指梁園客雪中  
到彼的知宣室語幾時徵拜黑頭公

送盧端公歸臺盧校書之夏縣

綿綿隄草拂征輪龍虎俱辭楚水濱只見勝之為御史  
不知梅福是仙人地推八米源流盛才笑三張事業貧

一種西歸一般達柏臺霜冷夏城春

送朗州張員外

聖朝綸閣最延才須牧生民始入來鳳藻已期他日用  
隼旟應是隔年迴旗飄峴首嵐光重酒奠湘江杜魄哀  
腸斷秦原二三月好花全為使君開

淮南送工部盧員外赴闕

一作任

始從豸角曳長裾又吐雞香奏玉除隋邸舊僚推謝掾  
漢廷高議得相如貴分赤筆升蘭署榮著緋衣從板輿

遙想到時秋欲盡禁城涼冷露槐疏

淮南送司勲李郎中赴闕

中朝品秩重文章雙筆依前賜望郎五夜星辰歸帝座  
半年樽俎奉梁王南都水暖蓮分影北極天寒雁著行  
不必戀恩多感激過淮應合見徵黃

送陸郎中赴闕

幕下留連兩月強爐邊侍史舊焚香不關雨露偏垂意  
自是鴛鴦合著行三署履聲通建禮九霄星彩映一作應

明光少瑜鏤管丘遲錦從此西垣使鳳凰

途中送人東遊有寄

離騷莫惜暫逡巡君向池陽我入秦歲月易拋非曩日  
酒杯難得是同人路經隋苑橋燈夜江轉臺城岸草春  
此處故交誰見問為言霜鬢壓風塵

過廢江寧縣

王昌齡 曾  
尉此縣

縣前水色細鱗鱗一為夫君弔水濱漫把文章矜後代  
可知榮貴是他人鶯偷舊韻還成曲草賴餘吟盡解春

我亦有心無處說等閒停棹似迷津

邊夜

光景飄如水生涯轉似萍雁門窮朔路牛斗故鄉星句

盡人

一作書  
罷愁

誰切歌終淚自零夜闌回首算何處不長

亭

哭張博士太常

前輩條云歿媿君曾比

一作比

方格卑雖不稱言重亦難

忘諫草猶青瑣悲風已白楊只應移理窟泉下對真長

淮口軍墓

一陣孤軍不復迴更無分別只荒堆莫言賦分須如此  
曾作文皇赤子來

燕昭王墓

戰國蒼茫難重尋此中踪跡想知音強停別騎山花曉  
欲弔遺魂野草深浮世近來輕駿骨高臺何處有黃金  
思量郭隗平生事不殉昭王是負心

江南

王樹歌聲澤國春  
纍纍輜重憶亡陳  
垂衣端拱渾閒事  
忍把江山乞與人

江北

廢宮荒苑莫閒愁  
成敗終須要徹頭  
一種風流一種死  
朝歌爭得似揚州

早登新安縣樓

關城樹色齊  
往事未全迷塞路  
真人氣封門  
壯士泥草灘  
延蝶舞花密  
教鶯啼若以鳴  
為德鶯皇不及雞

干越亭

楚水蕭蕭多病身  
強凭危檻送殘春  
高城自有陵兼谷  
流水那知越與秦  
岸下藤蘿陰作怪  
橋邊蛟蜃夜欺人  
琵琶洲遠江村濶  
回首征途一作淚滿巾

南園題

一本少起四  
句注云  
闕題

搏擊路終迷南園  
且灌畦敢言逃俗態  
自是樂幽棲葉  
長春松潤科圓早  
薤齊雨霑虛檻冷  
雪壓遠山低竹好  
還成徑桃夭亦有蹊  
小窓奔野馬閒甕養  
醯雞水石心

迫切煙霄分已暎病憐王猛畚愚笑隗囂泥澤國潮平  
岸江村柳覆堤到頭乘興是誰手好提攜

人日新安道中見梅花

其年以徐  
冠停舉

長途酒醒臘春寒嫩葉香英撲馬鞍不上壽陽公主面  
憐君開得却無端

許由廟

高挂風瓢濯漢濱土階三尺愧清塵可憐比屋堪封日  
若到人間是衆人

題段太尉廟

近甸蒙塵日南梁反正年飄流茂陵枕零落太官椽建  
蠹蘚非降楚披圖異錄燕堪嗟侍中血不及御衣前

湘妃廟

劉表荒碑斷水濱廟前幽草閉殘春已將怨淚流斑竹  
又感悲風入白蘋八族未來誰北拱四兇猶在莫南巡  
九峰相似堪疑處望見蒼梧不見人

八駿圖

穆滿當年物外程  
電腰風脚一何輕  
如今縱有華騮在  
不得長鞭不肯行

庭花

昨日芳艷濃  
開尊幾同醉  
今朝風雨惡  
惆悵人生事  
南戚病不起  
西子老兼至  
向晚寂無人  
相偎墮紅淚

病中題主人庭鶴

遼水華亭舊所聞  
病中毛羽最憐君  
稻梁且足身兼健  
何必青雲與白雲

蟬

天地工夫一不遺與君聲調借君綾風棲露飽今如此  
應忘當年淬濁時

薛陽陶觱篥歌

平泉上相東征日曾為陽陶歌觱篥烏江太守會稽侯

平泉為李德裕曾作薛陽陶觱篥歌蘇州刺史白居易  
越州刺史元稹並有和篇此言烏江恐是吳江乃蘇州

也相次三篇皆俊逸橋山殯葬衣冠後金印蒼黃南去  
疾龍樓冷落夏口寒從此風流為廢物人間至藝難得

主懷抱差池恨星律邢溝僕射戎政閒試渡瓜洲吐伊  
鬱西風九月草樹秋萬喧沈寂登高樓左一作老 簟揭指

徵羽吼煬帝起坐淮王愁高飄咽滅出滯氣下感知已

時橫流穿空激遠不可遏髮鬢似向伊水頭伊水林泉

今已矣因取遺編認前事武宗皇帝御宇時四海恬

一作作

怡然知所自掃除桀黠似提簎制壓羣豪若穿鼻九鼎

調和各有門謝安空儉真兒戲功高近代竟誰知藝小

似君猶不棄勿惜暗嗚更一吹與君共下難逢淚

酬丘光庭

正月十一日書札五月十六日到來柳吟秦望咫尺地  
鯉魚何處閒襄回故人情意未疎索次第序述眉眼開  
上言二年隔煙水下有數幅真瓊瑰行吟坐讀口不倦  
瀑泉激射琅玕摧壁池蘭蕙日已老村酒蘸甲時幾梧  
鶴齡鴻箕不復見雨後蓑笠空莓苔自從黃寇擾中土  
人心波蕩猶未迴道一作趙殷合眼拜九列張濬掉舌升  
三台朝廷濟濟百揆序寧將對面容姦回禍生有基妖

有漸翠華西幸蒙塵埃三川梗塞兩河閉大明宮殿生  
蒿萊懦夫早歲不量力策蹇仰北高崔嵬千門萬戶扃  
鎖密良匠不肯雕散材君今得意尚如此況我麋鹿悠  
悠哉榮衰貴賤目所睹莫嫌頭白黃金臺

投宣武鄭尚書二十韻

漢代簪纓盛梁園雉堞雄物情須重德時論在明公族  
大踰閑魏神高本降嵩世家惟塞謗官業即清通翰苑  
論思外綸闈嘯傲中健豪驚綵鳳高步出冥鴻履歷雖

吾道行藏必聖聰絳霄無繫滯浙水忽西東庾監高樓  
月袁郎滿扇風四年將故事兩地有全功去去才須展  
行行道益隆避權辭憲署仗節出南宮雁影相承接龍  
圖共始終自然須作礪不必恨臨戎幕下蓮花盛竿頭  
彈佩紅騎兒逢郭伋戰士得文翁人地應無比簞瓢奈  
屢空因思一枝桂已作斷根蓬往事應歸捷勞歌且責  
躬殷勤信陵館今日自途窮

投浙東王大夫二十韻

越嶺千峰秀淮流一派長暫憑開物手來展濟時方舊  
跡蘭亭在高風桂樹香地清無等級天潤任徊翔塵尾  
談何勝螭頭筆更狂直曾批鳳詔高已冠鶴行嘯傲辭  
民部雍容出帝鄉趙堯推印綬句踐與封疆水占仙人  
吹城留御史牀嘉賓鄒潤甫百姓賀知章席煖飛鸚鵡  
塵輕駐驃驃夜歌珠斷續晴舞雪悠揚化向棠陰布春  
隨棟萼芳盛名韜不得雄畧晦彌彰自愧三冬學來窺  
數仞牆感深惟刻骨時去欲霑裳想望魚燒尾咨嗟亂

醫腸可能因蹇拙便合老滄浪題柱心猶壯移山志不忘深慙百般病今日問醫王

寄剡縣主簿

金庭養真地珠篆會稽官境勝堪長往時危喜暫安洞連滄海濶山擁赤城寒他日拋塵土因君擬煉丹

中秋不見月

風簾淅淅漏燈痕一半秋光此夕分天為素娥嬌怨苦併教西北起浮雲

答宗人袞

崑崙水色九般流飲即神仙憇即休  
敢恨守株曾失意始知緣木更難求  
鴻原謾欲均餘力鶴髮那堪問舊遊  
遙望北辰當上國羨君歸棹五諸侯

早行

雨灑江聲風又吹扁舟正與睡相宜  
無端戍鼓催前去別却青山向曉時

咏白菊

一作羅  
緒威詩

雖被風霜競欲催皎然顏色不低摧已疑素手能粧出  
又似金錢未染來香散自宜飄渌酒葉交仍得蔭香苔  
尋思閑戶中宵見應認寒窓雪一堆

晚泊宿松

解纜隨江流晚泊古淮岸歸雲送春和繁星麗雲漢春  
深胡雁飛人喧水禽散仰君邈難親沈思夜將旦

錢塘遇默師憶潤州舊遊

歌敲玉唾壺醉擊珊瑚枝石羊妙善街甘露平泉碑搆

苔想豪傑別蘚看文詞歸來北固山水檻光參差

江南別

去年今夜江南別鴛鴦翅冷飛蓬爇今年今夜江北邊  
鯉魚腸斷音書絕男兒心事無了時出門上馬不自知

四頂山

勝景天然別精神入畫圖一山分四頂三面瞰平湖過  
夏僧無熱凌冬草不枯遊人來至此願剃髮和鬚

姥山

臨塘古廟一神仙繡幌花容色儼然為逐朝雲來此地  
因隨暮雨不歸天眉分初月湖中鑑香散餘風竹上煙  
借問邑中沈水事已經秦漢幾千年

岐王宅

朱邸平臺隔禁闈貴遊陳跡尚依稀雲低雍畤祈年去  
雨細長楊從獵歸申白賓朋傳道義應劉文彩寄音徽  
承平舊物惟君一作名盡猶寫雕鞍伴六飛

長明燈

破暗長明世代深。煙和香氣兩沈沈。  
不知初點人何在，祇見當年火至今。  
曉似紅蓮開沼面，夜如寒月鎮潭心。  
孤光自有龍神護，雀戲蛾飛不敢侵。

堋口逢人

艱難別離久，中外往還深。  
已改當時髮，空餘舊日心。  
遇邊使

累年無的信，每夜望邊城。  
袖掩千行淚，書封一尺金。

移住別友

自到西川住惟君別有情常逢對門遠又隔一重城

宮詞

巧畫蛾眉獨出羣當時人道便承恩經年不見君王面  
落日黃昏空掩門

涇溪

涇溪石險人競懼終歲不聞傾覆人却是平流無石處  
時時聞說有沈淪

題杜甫集

楚水悠悠浸楚

一本缺此字

亭楚南天地兩無情忍交孫武

重泉下不見時人說用兵

感弄猴人賜朱綬

幕府燕閒錄云唐昭宗播遷隨駕伎藝人止有弄猴者猴

頗馴能隨班起居昭宗賜以緋袍號孫供奉故羅隱有詩云云朱梁篡位取此猴令殿下去居

猴望殿陛見全忠徑趣其所跳躍奮擊遂令殺之

十二三年就試期五湖煙月奈相違何如買取猢猻弄

一作學取  
孫供奉一笑君王便著緋

題磻溪垂釣圖

錢氏有國西湖漁者日納魚數斤謂之使宅魚隱題此圖遂鬻其徵

呂望當年展廟謨直鉤釣國更誰如若教生在西湖上  
也是須供使宅魚

春風

也知有意吹噓切爭奈人間善惡分但是粧糠微細物  
等閒擡舉到青雲

竹下殘雪

牆下濃陰對此君小山尖險玉為羣夜來解凍風雖急  
不向寒城減一分

# 杏花

暖氣潛催次第春  
梅花已謝杏花新  
半開半落園裏

何異榮枯世上人

鎮海軍所貢

題不全

簷前飛雪扇前塵  
千里移添上苑春  
他日丁寧柿林院  
莫宣恩澤與閒人

席上歌水調

餘聲宛宛拂庭梅  
通濟渠邊去又回  
若使煬皇魂魄在

為君應合過江來

題新榜

在浙幕沈崧得  
新榜示題其末

黃土原邊狡兔肥犬如流電馬如飛灞陵老將無功業  
猶記當時夜獵歸

句

夏窓七葉連陰暗

遊城南記杜佑有別墅為城南之最  
有樹每朶七葉因以為名隱詩紀之

賴家橋上濁河邊

隱又有城南雜感詩其題有景星  
觀姚家園葉家林及此句今雜感

詩亡

細看月輪真有意已知青桂近嫦娥

曾公類苑裴筠娶蕭楚公

女便擢進士

一箇禰衡容不得思量黃祖謾英雄

吳越

隱詩云云

備史隱初見錢鏐惺不見用遂以所為夏口  
詩標于卷末云云鏐覽之大笑因加殊遇

張華謾

出如丹語不及劉侯一紙書

鑑戒錄云鄭畋

山雨霏

微宿上亭雨中因想雨淋鈴

上亭驛  
天中記

老僧齋罷關門

睡不管波濤四面生

金山僧院  
詩話總龜

御定全唐詩卷六百六十五

欽定四庫全書  
全唐詩卷一百六十六

集部

御定全唐詩卷一百六十六

羅虬

羅虬台州人詞藻富贍與隱鄴齊名世號三羅累舉不第為廊州從事比紅兒詩百首編為一卷

比紅兒詩

并序

比紅者為雕陰官妓杜紅兒作也美貌年少機智悟不與羣輩妓女等余知紅者迺擇古之美色灼然於史

傳三數十輩優劣於章句間遂題比紅詩

廣明中虬為李孝恭從事

籍中有善歌者杜紅兒虬令之歌贈以綠孝恭以紅兒為副戎所盼不令受虬怒手刃紅兒既而追其寃作比紅詩

姓字看侵尺五天芳菲

一作名

占斷百花鮮馬嵬好笑當

時事虛賺明皇幸蜀川

金谷園中花正繁墜樓從道感深恩齊奴却是來東市  
不為紅兒死更冤

陷却平陽為小憐周師百萬戰長川更教乞與紅兒貌

舉國山川

一作河 不值錢

一曲都緣張麗華六宮齊唱後庭花若教比竝紅兒貌  
枉破當年國與家

樂營門外柳如陰中有佳人畫閣深若是五陵公子見  
買時應不啻惜<sup>一作</sup>千金

青絲高綰石榴裙腸斷當筵酒半醺置向漢宮圖畫裏  
入胡應不數昭君

斜凭欄杆醉態新歛眸微盼不勝春當時若遇東昏主  
金葉蓮花是此人

匝匝千山與萬山碧桃花下景長閒神仙得似紅兒貌  
應免劉郎憶世間

越山重疊越溪斜西子休憐解浣紗得似紅兒今日貌  
官教將去與一作見夫差

詔下人間覓一作選好花月看雲髻選人一作畫名家紅兒若向當  
時見繫臂先封第一紗

鋒鏑縱橫不敢看淚垂玉筋正汎瀾應緣近似紅兒貌  
始得深宮奉五官

金縷濃薰百和香臉紅着黛入時妝當時便向喬家見  
未敢將心在窺娘

通宵甲帳散香塵漢帝精神禮百神若見紅兒醉中態  
也應休憶李夫人

拔得芙蓉出水新魏家公子信才人若教瞥見紅兒貌  
不肖留情付洛神

芳姿不合竝常人雲在遙天玉在塵因事愛思苟奉倩  
一生閒坐枉傷神

筆底如風思湧泉賦中休謾說蟬娟紅兒若在東家住  
不得登牆爾許年

一抹濃紅傍臉斜妝成不語獨攀花當時若是逢韓壽  
未必埋蹤在賈家

樹裏西風日半沈地無人跡轉傷心阿嬌得似紅兒貌  
不費長門買賦金

五雲高捧紫金堂花下投壺侍玉皇從到一作道世人一作都不

識也應知有杜蘭香

戲水源頭指舊蹤當時一笑也難逢紅兒若為迴桃臉  
豈比連催舉五烽

號國夫人照夜璣若為求得與紅兒醉和香態濃春睡  
一作裏一樹繁花偃繡幃

知有持盈玉葉冠剪雲裁月照人寒若使紅兒風帽一作貌  
戴直使瑤池會上着

明媚何曾讓玉環破爪年幾百花顏若教貌向南朝見  
定却梅妝似等閒

世事悠悠未足稱  
官將間事更爭能  
自從命向紅兒去

斷一作不欲留心在梨繒

自隱新從夢裏來  
嶺雲微步下陽臺  
含情一向春風笑  
羞殺凡花盡不開

捨却青娥換玉鞍  
古來公子苦無端  
莫言一匹追風馬  
天驥牽來也不看

檻外花低瑞露濃  
夢魂驚覺早春容  
憑君細看紅兒貌  
最稱嚴妝待曉鐘

薄羅輕剪越溪紋  
鷓翅低垂兩鬟分  
料得相如偷見面  
不應琴裏挑文君

南國東隣各一時  
後來惟有杜紅兒  
若教楚國宮人見  
羞把腰身立柳枝

照耀金釵簇膩鬟  
見時直向畫屏間  
黃姑阿母能判剖  
十斛明珠也是閒

輕小休誇似燕身  
生來占斷紫宮春  
漢皇若遇紅兒貌  
掌上無因著別人

鸚鵡娥如裏露紅鏡前看樣自深宮稍教得似紅兒貌  
不嫁南朝沈侍中

擬將心地學安禪爭奈紅兒笑靨圓何物把來堪比竝  
野塘初綻一枝蓮

浸草漂花遶檻香最憐穿度樂營牆殷勤留滯緣何事  
曾照紅兒一面妝

雕陰舊俗似一作騁嬢娟有箇紅兒賽洛川常笑世人語虛

多誰誕一作誕今朝自見火中蓮

渡口諸儂樂未休竟陵西望路悠悠石城有箇紅兒貌  
兩槳無因迎莫愁

誰向深山識大仙勸人山上引春泉定知不及紅兒貌  
枉却工夫溉玉田

傾國傾城總絕倫紅兒花下認真身十年東北看燕趙  
眼冷何曾見一人

今時自是一作謂不諳知前代由來豈一作事見遺一作為一笑陽城  
人便惑何堪教見杜紅兒

京口喧喧百萬人競傳河鼓謝星津柰花似雪簪雲髻  
今日天容是後身

青史書時未是真可能纖手一作智却強秦再三為謝齊皇  
后要解連環別與人

繡帳鴛鴦對刺紋博山微暖麝微醺詩成一作人若有紅兒  
貌悔道當時月墜雲

薄粉輕朱取次施大都端正亦相宜只如花下紅兒態  
不藉城中半額看

妝成渾欲認前朝金鳳雙釵逐步搖未必慕容宮裏伴

舞風歌月勝纖腰

琥珀釵成恩正深玉兒妖惑蕩君心莫教回首看妝面  
始覺曾虛擲萬金

自有閒花一面春臉檀着黛一時新殷勤爲報梁家婦  
休把啼妝瞧後人

輕梳小髻號慵來巧中君心不用媒可得紅兒拋醉眼

漢皇恩澤一時迴

千里長江旦暮潮吳都風俗尚纖腰周郎若見紅兒貌  
料得無心念小喬

月落潛奔暗解攜本心誰道獨單棲還緣交甫非良偶  
不宵終身作羿妻

漢皇曾識許飛瓊寫向人間作畫屏昨日紅兒花一作簾下  
見大都相似更娉婷

魏帝休誇薛夜來霧綃雲縠稱身裁紅兒秀一笑發君知

否倚檻繁花帶露開

曉月雕梁燕語頻見花難可比他人年年媚景歸何處  
長作紅兒面上春

逗玉濺盆冬殿開邀恩先賜夜明苔紅兒若是二千數  
多少芳心似死灰

畫簾垂地紫金牀暗引羊車駐七香若見紅兒此中住  
不勞鹽筍灑宮廊

蘇小空勻一作輕勻一面妝便留名字在一作著錢塘藏鴉門外諸  
年少不識紅兒未是狂

一首長歌萬恨來  
惹愁漂泊水難迴  
崔徽有底多頭面  
費得微之爾許才

昔年黃閣識奇章  
愛說真珠似窈娘  
若見紅兒深夜一作夜深  
態便應休說繡衣裳

鳳折鶯一作鸞離恨轉深  
此身難負百年心  
紅兒若向隋朝見  
破鏡無因更重尋

行綰禮雲立暗一作曙  
軒我來猶愛不成冤  
當時若見紅兒貌未必邢一作形  
相有此言

總似一作是紅兒媚態新莫論千度笑爭春任伊孫武心如  
鐵不辨軍前殺此人

暖塘爭赴盪舟期行唱菱歌著艷詞爲問東山謝丞相  
可能諸妓勝紅兒

吳興皇后欲辭家澤國重臺展曙華今日紅兒貌傾國  
恐須真宰別開花

陌上行人歌黍離三千門客欲何之若教麤及紅兒貌  
爭敢樓前斬愛姬

休話如臯一笑時金鬚一作競中臆錦離披陋容枉把雕弓

射射盡春禽未展眉

長恨西風送早秋低眉深恨一作念嫁牽牛若同人世長相

對爭作夫妻得到頭

謝娘休漫逞風姿未必娉婷勝柳枝問道只因嘲落絮  
何曾得似杜紅兒

總傳桃葉渡江時只爲王家一首詩今日紅兒自堪賦  
不須重唱舊來詞

巫山洛浦本無情總為佳人便得名今日雕陰有神艷

後來公子莫相輕

幾拋雲髻恨金墉淚洗花顏百戰中應有紅兒些子貌

却言皇后長深宮

倚檻還應有所思半開東

一作香

閣見嬌姿可中得似紅兒

貌若遇韓朋好殺伊

曉向妝臺

一作紗窗

與畫眉鏡中長欲助嬌姿若教得似紅兒

貌走馬章臺任道遲

練得霜華助翠鈿相期朝謁玉皇前依稀有似紅兒貌  
方得吹簫引上天

重門深掩幾枝花未勝紅兒莫大誇王相一作玉柄不能探物  
理可能虛上短轅車

前代休憐事可奇後來還出有光輝爭如晝卧紗窗裏  
不見一作有神人覆玉衣

化羽一作羽化嘗聞赴九天只疑塵世是虛傳自從一見紅兒  
貌始信人間有謫仙

從道長陵小市東巧將花貌占春風紅兒若是同時見  
未必伊先入紫宮

人間難免是深情命斷紅兒向此生不似一作何似前時李丞  
相枉拋才力為鶯鶯

鳳舞香飄繡幕風暖穿馳道百花中還緣有似紅兒貌  
始道迎將入漢宮

休道將軍出世才盡驅諸妓下歌臺都緣沒箇紅兒貌  
致使輕教後閣開

馮媛須知住漢宮  
將身只是解當熊  
不聞有貌傾人國  
爭得今朝更似比一作紅

能將一笑使人迷  
花艷何須上大堤  
疎屬便同巫峽路  
洛川真是武陵溪

辭輦當時意可知  
寵深還恐寵先衰  
若教得似紅兒貌  
占却君恩自不疑

三吳時俗重風光  
未見紅兒一面妝  
好寫妖嬈與教看  
便應休更話真娘

波平楚澤浸星辰臺上君王宴早春畢竟章華會中客  
冠纓虛絕為何人

紅兒不向漢宮生便使雙成謾得名疑是麻姑惱塵世  
暫教微步下層城

天碧輕紗只六銖宛如一作風舍露透肌膚便教漢曲爭明  
媚應沒心情更弄珠

共嗟含恨向衡陽方寸花牋寄沈郎不似紅兒些子貌  
當時爭得少年狂

淺色桃花亞短牆不因風送也聞香凝情盡日君知否  
還似紅兒淡薄妝

火色櫻桃摘得初仙宮只有世間無凝情盡日君知否  
真似紅兒口上朱

宿雨初晴春日長入簾花氣靜難忘凝情盡日君知否  
真似紅兒舞袖香

初月纖纖映碧池池波不動獨看時凝情盡日君知否  
真似紅兒罷舞眉

濃艷濃香雪壓枝  
裏烟和露曉風吹  
紅兒被掩妝成後  
含笑無人獨立時

樓上嬌歌裏夜霜近來休  
數踏歌娘紅兒謾唱伊州遍  
認取輕敲玉韻長

金粟妝成扼臂環舞腰輕薄一作轉瑞雲間  
紅兒生在開元末  
羞殺新豐謝阿蠻

君看紅兒學醉妝誇裁宮襯研裙長誰能更把閒心力  
比竝當時武媚娘

梔子同心裏露垂折來深恐没人知花前醉客頻相問  
不贈紅兒贈阿誰

雲間翡翠一雙飛水上鴛鴦不暫離寫向人間百般態  
與君題作比紅詩

舊恨長懷不語中幾回偷泣向春風還緣不及紅兒貌  
却得生教入楚宮

一舸春深指鄂君好風從度水成紋越人若見紅兒貌  
繡被應羞徹夜薰

花落塵中玉墮泥香魂應上寫娘堤欲知此恨無窮處  
長倩城烏夜夜啼

句

窗前遠岫懸生碧簾外殘霞挂熟紅

一作桃花暎熟紅見語林

御定全唐詩卷六百六十六

謹案卷六百六十六第三頁後七行從到世人都  
不識按別本世人作世間





總校官庶吉士臣張能照  
校對官檢討臣蕭九成

謄錄監生臣李本

謄錄舉人臣張昱

欽定四庫全書會要卷一萬八千七十二

集部

御定全唐詩卷六百六十七

鄭損

鄭  
損僖宗時中書舍人詩六首

星精亭

通江志玄妙觀有星精石唐人刻篆甚多損詩尚存時書銜為推官

星沈萬古痕孤絕勢無鄰一作羣地窄少留竹空多剩占雲

釣蓬和雨看樵斧帶霜聞莫惜尋常到清風不負人

釣閣

小閣愜幽尋周遭萬竹森誰知一沼內亦有五湖心釣直魚應笑身閒樂自深晚來春醉熟香餌任浮沈

玉聲亭

世間泉石本無價那更天然落景中漢佩琮琤寒溜雨秦簫縹渺夜敲風一方清氣羣陰伏半局閒棋萬慮空借問主人能住久後來好事有誰同

藝堂

堂開凍石千年翠藝講秋膠百步威捐讓未能忘典禮

英雄孰不慣戎衣風波險似金機駭日月忙如雪羽飛  
莫怪尊前頻浩歎男兒志願與時違

星精石

突險呀空龍虎蹲由來英氣蓄寒根蒼苔點染雲生靨  
老雨淋漓鐵漬痕松韻遠趨疑認祖山陰輕覆似憐孫  
孤巖恰恰容幽構可愛江南釋子園

泛香亭

流杯處處稱佳致何似斯亭出自然山溜穿雲來幾里

石盤和蘇鑿何年聲交鳴玉歌沈板色幌寒金酒滿船  
莫怪坐中難得醉醒人心骨有潺湲

張禕

張禕字冠章南陽人官中書舍人從僖宗幸蜀終兵部  
尚書詩二首

巴州寒食晚眺

東望青天周與秦杏花榆葉故園春野寺一傾寒食酒

晚來風景重愁人

題擊甌樓

駐旌元帥遺風在擊缶高人逸興酣水轉巴文清溜急  
山連蒙岫翠光涵

盧攜

盧攜字子升范陽人擢進士第由臺省厯戶部侍郎翰林學  
士乾符中拜門下侍郎同平章事黃巢入闕仰藥死詩一首

題司空圖壁

姓氏司空貴官班御史卑老夫如且在不用歎屯奇

李廷璧

李廷璧僖宗朝登進士第詩一首

愁詩

到來難遣去難留著骨黏心萬事休  
潘岳愁絲生鬢裏  
嬈好悲色上眉頭長途詩盡空騎馬遠  
雁聲初獨倚樓  
更有相思不相見酒醒燈背月如鉤

許三畏

許三畏僖宗時進士詩一首

題菖蒲廢觀

本是安期燒藥處今來改作坐禪宮數僧梵響滿樓月  
深谷猿聲半夜風金簡事移松閣迥綠雲影散閑山空  
我來不見修真客却得真如問遠公

盧嗣業

盧嗣業范陽人綸之孫也乾符五年登進士第廣明初  
以長安尉直昭文館累遷右補闕後辟都統判官檢校  
禮部郎中詩一首

致孫狀元訴釀罰錢

北里志云曲內妓之頭角者為都知分管諸妓俾追

召勾曲中常價一席四錢見燭即倍新郎君更倍其數云復分錢鄭舉舉者善令章與絳直互為席糾皆都知也是年孫偓為狀元頗惑舉舉與同年侯潛杜彥殊崔昭愿趙光逢盧擇李茂勲數人多在其舍他人不得預嗣業與同年非舊知聞多稱力窮不遵釀罰故有此篇

未識都知面頻輸復分錢苦心事筆硯得志助花鉢徒步求秋賦持杯給暮餧力微多謝病非不奉同年

牛嶠

牛嶠字松卿一字延峰隴西人自云僧孺之孫乾符五

年登進士第厯官尚書郎王建鎮蜀辟判官及僭位為  
給事中歌詩三卷今存六首

紅薔薇

曉啼珠露渾無力繡簇羅襦不著行若綴壽陽公主額  
六宮爭肯學梅妝

楊柳枝五首

解凍風來末上青解垂羅袖拜卿卿無端裏娜臨官路  
舞送行人過一生

吳王宮裏色偏深一簇纖條萬縷金不憤錢塘蘇小小

引郎松一作枝下結同心

橋北橋南千萬條恨伊張緒不相饒金羈白馬臨風望  
認得羊家靜婉腰

狂雪隨風撲馬飛惹煙無力被春欺莫交移入靈和殿  
宮女三千又妬伊

裏翠籠煙拂暖波舞裙新染麴塵羅章華臺畔隋堤上  
傍得春風爾許多

鄭合一作  
鄭  
合敬

鄭合乾符三年登第終諫議大夫詩一首

及第後宿平康里詩

春來無處不閒行  
楚潤相看別有情  
好是五更殘酒醒  
時時聞喚狀頭聲

李搏

李搏登乾符進士第詩二首

賀襄廷裕蜀中登第詩

銅梁千里曙雲開仙籙新從紫府來天上已張新羽翼  
世間無復舊塵埃嘉禎果中君平卜賀喜須斟卓氏杯  
應笑戎藩刀筆吏至今泥滓曝魚鰓

復謹廷裕

曾隨風水化凡鱗安上門前一字新聞道蜀江風景好  
不知何似杏園春

李克元一作恭

李克恭乾符中舉子詩一首

吊賈島

一一玄微縹渺成盡吟方便爽神情宣宗謫去為閒事  
韓愈知來已振名海底也應搜得淨月輪常被翫教傾  
如何未隔四十載不遇論量向此生

程賀

程賀中和二年登進士第詩一首

君山

曾遊方外見麻姑說道君山此本無云是崑崙山頂石

海風吹落洞庭湖

盧尚卿

盧尚卿中和二年登第詩一首

東歸詩

九重丹詔下塵埃深鎖文闈罷選才桂樹放教遮月長  
杏園終待隔年開自從玉帳論兵後不許金門諫獮來  
今日灞陵橋上過路人應笑臘前迴

顧在鎔

顧在鎔蘇州人光啓二年進士第詩三首

題玉芝雙奉院

入門如洞府花木與時稀夜坐山當戶秋吟葉滿衣犬隨童子出鳥避俗人飛至藥應將熟年年火氣微

宿麻平驛

及到怡情處暫忘登陟勞青山看不厭明月坐來高犬為孤村吠猨因冷木號微吟還獨酌多興憶同胞

題光福上方塔

蒼島孤生白浪中倚天高塔勢翻空煙凝遠岫列寒翠  
霜染疎林墮碎紅汀沼或栖彭澤雁樓臺深貯洞庭風  
六時金磬落何處偏傍蘆葦驚釣翁

翁洮

翁洮字子平睦州人光啓三年進士第官主客員外郎  
歸隱青山徵召不起詩十三首

枯木詩辭召命作

枯木傍溪崖由來歲月賒有根盤水石無葉接煙霞二

月若為色三冬雪作花不因星使至誰識是靈槎

贈進士王雄

河清海晏少波濤幾載垂鉤不得鰲空向人間修諫草  
又來江上詠離騷笳吹古堞邊聲遠嶽倚晴空楚色高  
何事明廷有徐庶總教三徑臥蓬蒿

漁者

一葉飄然任浪吹雨蓑煙笠宵忘機只貪濁水張羅衆  
却笑清流把釣稀葦岸夜依明月宿柴門晴櫂白雲歸

到頭得喪終須達誰道漁樵有是非

上子男壽昌宰

陶公為政卓潘齊入縣看花柳滿堤百里江山聊展驥  
九臯雲月怪驅雞高樓野色迎襟袖比屋歌聲遠鼓鼙  
只恐攀轔留不住明時霄漢有丹梯

贈方干先生

由來箕踞任天真別有詩名出世塵不愛春宮分桂樹  
欲教天子枉蒲輪城頭鼙鼓三聲曉島外湖山一簇春

獨向若耶溪上住誰知不是釣鰲人

贈進士李德新接海棠梨

蜀人猶說種難成何事江東見接生席上若微桃李伴  
花中堪作牡丹兄高軒日午爭濃艷小徑風移旋落英  
一種呈妍今得地劎峯梨嶺謾縱橫

春日題航頭橋

故園橋上絕埃塵此日凭欄興自新雲影晚將仙掌曙  
水光迷得武陵春薜蘿煙裏高低路楊柳風前去住人

莫怪馬卿題姓字終朝雲雨化龍津

和方干題李頻莊

高情度日非無事自是高情不覺喧海氣暗蒸蓮葉沼  
山光晴逗葦花村吟時勝槩題詩板靜處繁華付酒尊  
間伴白雲收桂子每尋流水斲桐孫猶憑律呂傳心曲  
宣慮星霜到鬢根多少清風歸此地十年虛打五侯門

葦藪

得地自成藪那因種植功有花皆吐雪無韻不含風倒

影翹沙鳥幽根立水蟲蕭蕭寒雨夜江漢思無窮

春

漠漠煙花處處通游人南北思無窮林間鳥奏笙簧月  
野外花舍錦繡風鶯抱雲霞朝鳳闕魚翻波浪化龍宮  
此時誰羨神仙客車馬悠揚九陌中

夏

觸目皆因長養功浮生何處問窮通柳長北闕絲千縷  
雲簇南山火萬籠大野煙塵飄赫日高樓簾幙逗薰風

身心已在喧閑處惟羨滄浪把釣翁

秋第七  
缺一字句

宋玉高吟思萬重澄澄寰宇振金風雲間日月浮虛白  
木落山川疊碎紅寥寥鴈多宮漏永河渠煙斂塞天空  
侯門處處槐花獻賦何時遇至公

冬

寂寂棲心向杳冥苦吟寒律句偏清雲凝止水魚龍蟄  
雪點遙峰草木榮迥夜爐飄埃燼色天河冰輾轆轤聲

歸飛未得東風力竟斷三山九萬程

李嶼

李嶼光啟三年進士第詩一首

過洞庭

浩渺注橫流千潭合萬湫半洪侵楚翼一汊屬吳頭動  
軸當新霽漫空正仲秋勢翻荆口迮聲擁岳陽浮遠脈  
滋衡岳微涼散橘洲星辰連影動嵐翠逐隅收漸落分  
行鴈旋添趁伴舟昇騰人莫測安穩路何憂氣與塵中

別言堪象外搜此身如麤了來把一竿休

鄭啓

鄭啓宣春人谷之兄也詩三首

巖塘經亂書事

塵生宮闕霧濛濛萬騎龍飛幸蜀中在野傳巖君不夢乘軒衛懿鶴何功雖知四海同盟久未合中原武備空星落夜原妖氣滿漢家麟閣待英雄

梁園皓色月如珪清景傷時一慘悽未見山前歸牧馬

猶聞江上帶征鞶  
鯢為魚隊潛鱗困  
鶴處雞羣病翅低  
正是四郊多壘日

波濤早晚靜鯨鮀

鄧表山

白日三清此上時  
觀開山下彩雲飛  
仙壇丹竈靈猶在  
鶴駕清朝去不歸  
晉末幾遷陵谷改  
塵中空換子孫非  
松花落盡無消息  
半夜疎鐘徹翠微

韓儀

韓儀字羽光京兆萬年人偓之兄也以翰林學士為御

史中丞朱全忠貶為棣州司馬詩一首

記知聞近過關試

短行軸了付三銓休把新銜惱必先今日便稱前進士  
好留春色與明年

溫憲

溫憲庭筠之子登進士第光啓中為山南從事詩四首

郊居

村前村後樹寓賞有餘情青麥路初斷紫花田未耕雉

聲聞不到山勢望猶橫寂寥春風裏吟酣信馬行

杏花

團雪上晴梢紅明映碧寥店香風起夜村白雨休朝靜

落猶和

一作頻霑

蒂繁開正蔽條澹然閒賞久無以破妖嬈

春鳩

村南微雨新平綠淨無塵散睡柔條暖閒鳴屋脊春遠  
聞和曉夢相應在諸鄰行樂花時節追飛見亦頻

題崇塵寺壁

十口溝隍待一身半年千里絕音塵鬢毛如雪心如死  
猶作長安下第人

姚巖傑

姚巖傑梁公崇裔孫以詩酒放遊江左象溪子二十卷  
今存詩一首

報顏標

爲報顏公識我麼我心唯只與天和眼前俗物闊情少  
醉後青山入意多田子莫嫌彈鋏恨甯生休唱飯牛歌

聖朝若爲蒼生計也合公車到薜蘿

御定全唐詩卷六百六十七

欽定四庫全書會要卷一萬八千七十三

集部

御定全唐詩卷六百六十八

高蟾

高蟾河朔人乾符三年登進士第乾寧間為御史中丞

途中除夜

南北浮萍跡年華又暗催殘燈和臘盡寒角帶春來  
鬢欲漸侵雪心仍未肯灰金門舊知已誰為脫塵埃

長門怨

天上何勞萬古春  
君前誰是百年人  
魂銷尚媿金爐燼  
思起猶慚玉輦塵  
煙翠薄情攀不得  
星茫浮艷採無因  
可憐明鏡來相向  
何似恩光朝夕新

秋日寄華陽山人

雲木送秋何草草  
風波凝冷太星星  
銀鞍公子魂俱堪  
斷玉弩將軍涕自零  
茅洞白龍和雨看  
荆溪黃鵠帶霜聽  
人間不見清涼事  
猶向溪翁乞畫屏

感事

濁河從北下清洛向東流清濁皆如此何人不白頭

楚思

疊浪與雲急翠蘭和一作如意香風流化為雨日暮下巫陽

雪中

金閣倚雲開朱軒犯雪來三冬辛苦樣天意似難裁  
道中有感

一醉六十日一裘三十年年華經一作禁幾日日日掉征鞭

宋汴道中

平野有千里居人無一家甲兵年正少日久戍天涯

秋思

天地太蕭索山川何渺茫不堪星斗柄猶把歲寒量

即事

三年離水石一旦隱樵漁為問青雲上何人識倦舒

漁家

野水千年在間花一夕空近來浮世狹何似釣船中

關中

風雨去愁晚  
關河歸思涼  
西遊無紫氣  
一夕九回腸

歸思

紫府歸期斷  
芳洲別思追  
黃金作人世  
只被歲寒消

下第出春明門

曾和秋雨驅  
愁入却向春風領  
恨回深謝灞陵隄  
畔柳與人頭上拂塵埃

華清宮

何事金輿不再遊翠鬟丹臉豈勝愁重門深鎖禁鐘後

月滿驪山宮樹秋

秋日北固晚望二首

風含遠思翛翛晚日照高情的的秋何事滿江惆悵水  
年年無語向東流

澤國路岐當面苦江城砧杵入心寒不知白髮誰醫得  
為問無情歲月看

送張道士

因將歲月離三島間貯風煙在一壺為問金烏頭白後  
人間流水却回無

吳門春雨

吳甸落花春漫漫吳宮芳樹晚沉沉王孫不耐如絲雨  
胥斷春風一寸心

旅夕一作食

風散古陂驚宿鴈月臨荒戍起啼鴉不堪吟斷無人見  
時復寒燈落一花

瓜洲夜泊

偶為芳草無情客  
况是青山有事身  
一夕瓜洲渡頭宿  
天風吹盡廣陵塵

金陵晚望

曾伴浮雲歸一作悲  
晚翠猶一作旋陪落日汎秋聲  
世間無限丹青手一片一段傷心畫不成

晚思

虞泉冬恨由來短  
楊葉春期分外長  
惆悵浮生不知處

明朝依舊出滄浪

長信宮二首

天上夢魂何杳杳日宮消息太沉沉君恩不似黃金井  
一處團圓萬丈深

天上鳳皇休寄夢人間鸚鵡舊堪悲平生心緒無人識  
一隻金梭萬丈絲此首題一作長門怨

長安旅懷

馬嘶九陌年年苦人語千門日日新唯有終南寂無事

寒光不入帝鄉塵

春

天柱幾一作月  
柱數

條擣白日天門幾扇鎖明時陽春發處無

根蒂憑仗東風分外吹

明月斷魂清靄靄平蕪歸思綠迢迢人生莫遣頭如雪

縱得春一作東風亦不消

秋

陽羨溪聲冷駭人洞庭山翠晚凝神天將金玉為風露

曾為高秋幾度貧

灞陵亭

一條歸夢一作路朱弦直一片離心白羽輕明日灞陵新霽後馬頭煙樹綠相迎

偶作二首

丁當玉佩三更雨平帖金闌一覺雲明日薄情何處去

風流春水不知君

霞衣重疊紅蟬暖雲髻葱籠紫鳳寒天上少年分散後

一條煙水若為看

永夕

雲鴻宿處江村冷  
獨狹啼時海國陰  
不會殘燈無一事  
覺來猶有向隅心

落花

一葉落時空下淚  
三春歸盡復何情  
無人共得東風語  
半日尊前計不成

下第後上永崇高侍郎

天上碧桃和露種  
日邊紅杏倚雲裁  
芙蓉生在秋江上  
不向東風怨未開

句

君恩秋後葉日日向人疎

宮詞

御定全唐詩卷六百六十八